

天津府志卷之二十

名宦志

漢詔循良之吏悃悃無華宦矣何名之有名也者
自後人論定而斷之也兩京循吏首列龔黃而渤海徵書實屬斯土自遂而下代有傳人郡雖新設實舊澤留遺之地也功令郡邑學校具有名宦之祀

世宗憲皇帝特祠賢良典型所繫後事之師也謹擇其見於史乘者載之餘未之敢及慎也志名宦

總轄

天津府志

卷之二十 名宦

漢

朱博 字子元杜陵人成帝時拜冀州刺史方行部吏民數百人遮道自言從事自請且畱此縣錄見諸自言者博駐車決遣四五百人吏民大驚後博徐問果老從事教民聚會博殺此吏州郡畏威
朱浮 字叔元光武時幽州牧勵風迹收士心辟諸郡士置之幕府贍其家

鄧壽 字伯考汝南西平人舉孝廉遷冀州刺史

時冀郡多封諸王賓客放縱不檢壽按察之無稍容貸視事三年冀土肅清

左雄 字伯豪南郡涇陽人安帝時舉孝廉遷冀州刺史部多豪族好請託雄閉門不與交通奏案貪猾二千石無所回忌徵拜議郎

周舉 字宣光汝陽人順帝時舉茂才爲冀州刺史正身率下風俗頓革

蘇章 字孺文平陵人順帝時冀州刺史故人爲清河太守章行部案其姦賊爲設酒殺陳平生好甚歡太守喜曰人有一天我獨二天章曰今夕蘇孺文與故人飲者私恩也明日冀州刺史案事者公法也遂舉正其罪

天津府志

卷之二十 名宦

二

第五種 字興先長陵人永壽中以司徒掾使冀州廉察災害舉奏刺史二千石以下所刑免甚衆還以奉使稱職拜高密侯相

蔡衍 字孟喜汝南項人桓帝時冀州刺史中常侍貝瑗託其弟恭舉茂才不受又中常侍曹騰弟鼎爲河間相贓罪千萬騰使梁冀爲書請之鼎竟坐罪

羊陟 字嗣祖太山梁父人桓帝初以高第遷冀州刺史廉察貪濁所在肅然

朱穆 字公叔南陽宛人桓帝永興元年百姓流

晉

長華 范陽人武帝時持節出督幽州諸軍事招

納遠人四境無虞士馬強盛

山濤 字巨源河內懷人有器量介然不羣為冀

州刺史甄拔賢才三十餘人皆顯名當時

魏舒 字陽元任城人拜冀州刺史以簡惠稱

衛瓘 字伯玉安邑人泰始中除征北大將軍都

督幽州諸軍事於時幽并東有務桓西有大微並

為邊害瓘離間二寇務桓降力微憂死朝廷嘉其

功賜一子亭侯瓘乞以封弟

天津府志

卷之二十 名宦

四

唐 彬 字儒宗鄒人武帝時持節監幽州諸軍事

訓兵勸農拓邊境千餘里百姓感慕為立碑頌德

劉 弼 字季和沛國相人武帝時以寧朔將軍假

節監幽州諸軍事甚有威惠寇盜屏跡四境帖然

丁 紹 字叔倫譙國人懷帝時為廣平太守政平

訟理轉冀州刺史率州兵破汲桑有功加寧北將

軍監冀州諸軍事為政嚴肅人畏愛之紹自以才

足為物雄慨然有董正四海之志時王浚荀晞並

盛紹視二人蔑如也永嘉三年卒策贈車騎將軍

邵 續 字嗣祖安陽人元帝中興棄石勒歸晉拜

左將軍冀州刺史後爲石虎所執使續降其城續呼其兄子竺等曰吾志雪國難以報所受不幸至此汝等努力自勉勿以二心其部曲推其子緝爲

主

劉琨 字越石中山人永嘉三年拜都督幽州三州諸軍事與段匹磾約爲兄弟同獎王室元帝中興加琨太尉後爲匹磾所害追諡曰愍

段匹磾 鮮卑人永嘉中領幽州刺史爲石勒所敗朝服持節見石虎曰我受國恩志在滅汝不幸至此不能爲汝敬及見勒亦不爲禮卒遇害

天津府志

卷之二十 名宦

五

北魏

陸侯 代人仕魏世祖爲冀州刺史時考州郡治功惟侯與河內太守邱陳爲天下第一

源賀 禿髮傉檀之子魏高宗時爲征南將軍冀州刺史賀上書言自非大逆赤手殺人之罪其坐賊及過誤之愆應入死者皆可原命謫守邊境是則已斷之體更受全生之恩徭役之家漸蒙休息之惠刑措之化庶幾在茲高宗納之久之謂羣臣曰源賀勸朕宥死刑徒充北番生濟之理旣全邊戍之兵有益卿等事朕人人如賀復何憂哉錄賀

治爲第一在州七年徵拜太尉

元雲 魏景穆帝子封任城王顯祖時拜冀州刺史性善撫綏畱心政事甚得下情合州請戶輸絹五尺粟五升以報雲恩高祖嘉之

李平 頓邱人魏世宗時拜長樂太守政務清靜吏民懷之尋以平兼冀州儀同開府長史甚著聲稱仍除正長史太守如故

李韶 字元伯狄道人魏肅宗時爲冀州刺史清簡愛民甚收名譽肅宗嘉之就加車騎大將軍轉定州刺史二州境旣連接百姓素聞風德不言而

天津府志

卷之二十

名宦

六

治

裴延雋 字平子聞喜人肅宗時爲幽州刺史修復督亢渠及故戾陵諸堰溉田百萬餘畝百姓賴之又修起學校禮教大行在州五年考績爲天下最封隆之 渤海人魏時四爲冀州刺史每臨部州中舊齒咸曰我封公復來其得物情如此

北周

于翼 字文若太師燕公謹之子周大象初拜大司徒仍除幽州大總管詔翼巡長城立亭障西自雁門東至碣石創新改舊咸扼其要先是突厥屢

寇燕代間士農失業自是不敢犯塞百姓安之

隋

趙照 字通賢天水人隋文帝時爲冀州刺史有威德照嘗有疾百姓爭爲祈禱冀市多詐照爲銅斗鐵尺置諸肆百姓便之有人盜照田中蒿爲吏所執照曰刺史不能宣風化彼何罪也賜盜蒿一車盜愧過於重刑

張照 字士鳴河間鄭人開皇中兩爲冀州刺史吏人悅服稱良二千石

唐

天津府志

卷之二十

名宦

七

狄仁傑 字懷英并州人武后時拜幽州都督賜紫袍龜帶后自製金字十二以旌其忠

宋璟 南和人睿宗朝拜幽州都督有威名

李光弼 營州柳城人安祿山反郭子儀薦其能詔攝御史大夫持節知河東節度使兼雲中太守尋知魏州太守河北採訪使光弼以朔方兵五千出土門東救常山執賊將安思義不殺問其計答曰今軍行疲勞逢敵不可支不如按軍入守料勝一當虜兵焱銳弗能持重圖之萬全光弼曰善據城待明日史思明率二萬人傳堞光弼兵不得出

以勁弩五百射之賊退徙陣稍北光弼出其南夾
滹沱而軍思明雖數困然恃近救解鞍休士是日
饒陽賊五千至九門光弼謀知之提輕兵斂旗鼓
伺賊方飭襲殺之且盡思明懼引去會子儀收雲
中詔衆悉出井陘合擊賊九門西思明大敗挺身
走趙郡繇鼓城入博陵殺官吏景城河間等六郡
結營自守以附光弼肅宗卽位詔以兵赴靈武更
授戶部尙書同中書門下平章事節度如故光弼
以河間景城兵入太原

後唐

天津府志

卷之二十

名宦

八

趙德鈞 同光中鎮蘆臺軍因其地產鹽課民自辦
仍置榷鹽院貿易於瀛薊間民甚賴之

宋

何承矩 太宗時爲制置河北緣邊屯田使自順安
以東瀕海廣袤數百里悉爲稻田有莞蒲蜃蛤之
饒民賴其利

毆陽修 字永叔廬陵人慶三年知諫院保州兵
亂以修爲龍圖閣直學士河北都轉運使賊平大
將李照亮通判馮博文私納婦女修捕博文繫獄
照亮懼立出所納婦

王景 萊州掖縣人開運二年拜橫海軍節度乾
祐初加同平章事會契丹饑幽州民多度關求食
至滄州境者五千餘人景善懷撫給田處之

李南公 知滄州蘇軾草詔云刺史秩六百石以按
列郡而治行卓然乃以二千石爲郡守昔以責人
今以自責則物被其惠民無間言爾等皆常奉使
督察官吏公明之稱達於朕聽董治江淮控臨河
海任亦重矣益懋勉之無使風采減於平昔

包拯 字希仁廬州人始舉進士除大理評事仁
宗時知瀛州召權知開封府遷右司郎中河北都

天津府志

卷之二十 名宦

九

轉運使多惠政拯立朝剛毅貴戚爲之斂手童稚
婦女亦知其名呼曰包待制京師爲之語曰關節
不到有閻羅包老諡孝肅

韓 贄 知滄瀛二州政簡而治遷河北都轉運使
孔 邁 孔子四十一代孫爲滄州乾符令卒贈兵
部員外郎

金

完顏佐 本姓梁氏金宣宗命完顏敵住爲副以佐
爲都統成直沽寨貞祐二年虜軍遣張暉等三人
來招佐佐執之翼日劉永昌率衆二十人持文書

來署其文曰天賜佐擲之麾下執永昌及暉等命
斬之帝嘉其功遷佐奉國上將軍賜姓完顏氏

元

高

源

河間路都轉運使撫治有條竈戶逃者皆
復業常賦外羨餘幾千萬緡

董搏霄

磁州人從石蘭奚援益都大敗城下詔陞

淮南樞密院副使兼山東宣尉使都元帥有嫉其
功請以弟昂霄代領其衆未幾命搏霄守河間之
長蘆所至理冤獄革弊政嘗克復杭湖徽饒諸路
斬獲無算尋駐兵南皮縣而毛貴兵奄至搏霄督

天津府志

卷之二十

名宦

十

兵力戰而死事聞追封魏國公諡中定

明

于

謙

字廷益滄州籍錢塘人宣德四年以御史

巡視長蘆鹽政捕馬船夾帶私鹽不避權貴悉置
之法河道爲之一清

劉

福

重慶人成化己丑進士以山東按察副使

備兵天津營造衛城有能名

陳天祥

字元吉吳江縣人蒞天津道任未幾流寇

倡亂民多塗炭公備禦有方一鎮賴以全活

葛

木

字仁夫上虞縣人進士嘉靖九年蒞天津

副使任河決朱家墳口險急難塞壞民口廬阻滯
運道木載鐵鍋於船實土沉之始得鞏固至今無
患

夏言 華蓋殿大學士任工部主事時按臨青縣
查勘草場民德之立生祠祀焉祠在學宮西今圯
史鑑 字明古江南蘇州府人進士任天津道剖
決如流庭無滯訟親任案牘之勞而吏不能欺下
無催科之擾而民安其業以不能諂事上官遂奪
職去軍民千餘人涕泣號呼不捨

張羽 字伯翔南鄭人進士以御史任天津副使

天津府志 卷之二十 名宦 十一

天性至孝在官每語及父母之教恒哽咽不能語
敷政優裕吏民胥服建立書院作養人才排斥異
端敦厚民俗政尚簡易有循良之風歷陞侍郎

施槃 黃巖人進士性寬厚險夷一致有激其怒
以試之者累不爲動正德初逆瑾構煽坐以事罰
米千石道過河間吏民憐其貧爭爲輸納乃得釋

治中陞天津副使

邵相 澤州人舉人天津副使仁明清慎吏畏民
懷修刻郡志垂憲永久開通澍水利廣害消歷陞

貴州布政

牛天麟 聊城縣人進士嘉靖二年任天津道廉能勤敏吏畏民懷興學校裁冗費期年而政蹟大成累陞大理寺卿

梁雲龍 字會可瓊山縣人進士陞井陘兵備副使尋以防倭之役改天津任時饑饉頻仍兵食俱困雲龍焦勞籌策俾得戰守用裕遠近安之他若課文訓武救荒賑貧一時美政尤不能殫舉歷陞湖廣副都御史

毛愷 天津副使字達和江山縣人進士所至咸著政聲及其蒞津也津屬五方襍處之地風俗不

天津府志

卷之二十

名宦

三

一民少惇朴利競魚鹽萬竈沿河而居日以戈矛弓矢爲事又中貴人皆所親屬遇有犯法輒齎金脫之以故益難緜緝愷至以大振公道爲先不信私書爲本三年習俗大變於是築堤修堰以備災平價現值以集貨嚴捕索以靖萑苻稽屯田以安什伍汰冗弁以清煩擾明責任以雪冤誣於襍差則革之於妄費則裁之憫郵傳之勞則應付不苟恤疫癘之厄則埋掩維勤且自奉儉約布衣蔬食必以常祿歷陞吏部尙書

查志隆 字鳴治寧海縣人萬曆十五年任天津道

方潞藩就封道經天津隆處置有方軍民不擾
建小學教民興行至今猶懷思之陞山東叅政

賴庭檜 字爾舟晉江縣人進士萬 七年任天津
道增修學校振作人材易火甲爲房號併夫厰於
驛遞民多便之陞四川叅政

彭國光 字用卿德化人進士萬 間爲天津道廉
潔明敏遇事有肩荷量裁驛遞整理海防尤稱有
裨軍國

左光斗 桐城人萬 丁未進士以御史出理京畿
屯田上三因十四議詔悉允行水利大興北人始

天津府志

卷之二十

名宦

三

知藝稻改理學政執法衡文權貴不敢干以私涿
州置水田數百頃贍貧生並給八府鄉試卷永爲
例又請開武學以教諸生射刻兼才錄與文並興
人競超距

畢白巖 字景曾山東淄川人進士天啟元年復設
天津巡撫以僉都御史首任庶事草創晝夜經營
招募水陸兵二萬人市馬千匹戰艦營房甲仗稱
是請於部者不過七萬有奇以三萬成軍計所贏
且四萬餘籌畫軍資事贍而用約他人莫能及也
孫承宗以閣部督師閱邊至津兄將士精銳部伍

整肅嘆曰使九邊盡若是何憂戎馬哉會山東妖
賊起於鄒滕徵兵赴勦自嚴以天津道來斯行爲
監軍協同叅將劉永昌率五千人往討前軍已抵
德州而武邑妖黨于志聚衆數千突起應之勢
甚張自嚴急檄後軍守備董世賢移兵趨戰俘斬
四千餘鄒滕賊以援絕而敗事平晉戶部左侍郎
陞督餉部院尋以李邦華代巡撫事邦華內陞津
撫事以自嚴兼之一時操兵餉兩柄前未有也

國朝

周天命 武舉陞天津鎮標中軍副將管叅將事唐

天津府志

卷之二十 名宦

十四

官屯勦賊陣亡 傳另詳 忠臣

徐永順 遼東人順治六年爲天津道時議勦洗靜
海諸邑永順力保天津無賊全活者無算

馬騰陞 順治十五年任長蘆巡鹽御史惠廉公正
疏罷王秉乾任內倒追商竈寧餉邊布等項銀數
十萬兩至今歌戴之

薛柱斗 延長人拔貢生康熙九年任天津道廉以
率屬寬以惠民津門爲兵民錯處奸宄雜沓之所

綏靖得宜境內帖服

余 縉 浙江諸暨人進士康熙九年以御史巡鹽

著有善政商民戴之

趙良棟 寧夏人康熙十二年任天津總兵整什伍勤簡練嚴以一號令誠以待士卒精熟陣法乘機決策莫識其謀望重海內累官四川總兵提督加兵部尚書卒諡襄忠祀天津名宦雍正十一年奉特旨入祀賢良祠

江 夔 字采伯湖廣漢陽人拔貢康熙二十八年任長蘆巡鹽御史次年新增天津鹽引四千道夔奏照康熙十七年臺臣傅廷俊條議酌留七百道餘俱裁革

天津府志

卷之二十 名宦

五

許汝霖 海寧人進士康熙間以禮部侍郎督理子牙河務有築隄浚河功居民德之祀青縣名宦祠黃世發 貴州舉人康熙五十年任肅寧縣知縣惠愛在民輿情感戴歷陞營田觀察使巡歷勸導善於其職後以病卒官囊橐蕭然不能歸櫬兼有肅寧任內積欠未完雍正九年六月奉

特旨褒卹將所欠豁免令督藩伙助俾得扶櫬而歸

天津縣

明

殷尙質 一指揮僉事掌天津衛事有青天之號歷陞

遼東總兵歿於陣諡忠勇

傳另詳忠臣

盧觀象 江西人選貢清軍同知陞後府經歷創學

田本田有功天津

張 星 宣城人恩貢崇禎間任天津同知向來衛

軍家有餘丁雖幼稚亦按九則派役甚有身死名存按籍徵發者軍不能支率多逃遁星下車惻然念之為援保定衛例祇令一丁輸徭仍以徭役攤歸軍畝積困頓甦孫承宗有記志之

國朝

一高必大 湖廣襄陽籍廣寧人貢生康熙九年任天

天津府志

卷之二十 名宦

十六

津清軍同知政清刑簡愛士惠民捐俸修學茂績不著

杜于蕃 字碩夫江南江都人監生康熙五十八年

由吳橋縣擢長蘆鹽運分司是時鹺政叢脞帑日虧賦日逋于蕃至遇有裨於商竈者悉心擘畫困賴以甦前蒞吳橋惠政不可枚舉民立生祠祀之張可立 長蘆鹽運司經歷清廉律已著有政聲祀

名宦

青縣

明

王彬 永樂初知青縣以河決禾稼盡沒痛不能
救投水而死民於堤上共立祠祀之名曰神堤

劉素 西平人興學勸農政務兼舉發奸摘伏吏
民莫欺尋調河間縣降勅褒諭

周忠 大同衛人忠厚夙成政務寬簡振作士風
愛民如子歷任未幾輒以憂去送者千餘人有泣
下者

劉繹 邠州人任青縣知縣穎敏有精鑒剖斷如
流豪猾屏跡吏民畏服

錢貫 河南衛輝人 治十二年知興濟事重修

天津府志

卷之二十 名宦

儒學及察院仁及小民不畏權勢天性儉約始終
如一 以上青縣知縣

李達 榆林衛人正德十三年任重修儒學齋廡
時河水泛漲隄岸將決興工修築寢食不遑卒至

堅完民賴以安

呂和 興濟令專務以德化民俗為之變陞南京
禮部主事祀名宦

張文煥 山東掖縣人崇禎間知縣事己卯城破死

難以上興濟縣知縣

李完 字守卿德化人任青縣教諭學問博洽德

行純全嘗以白鹿洞規教士時稱缺齋先生

張 綸 汶上人任青縣教諭公舉從祀有尋孔顏

樂處得洙泗真傳義訂圖書探義皇之奧旨鼎新

黌序捐薄俸於青瑣等語

張 頌 富順人舉人任青縣教諭邃於學安貧樂

道衣無重帛口惟蔬食處之裕如工於詩有文集

傳世 以上教諭

國朝

杜 旭 豐城人舉人順治九年知青縣事心存惠

愛政尚寬和訟無偏枉事無廢弛民咸其德

天津府志

卷之二十 名宦

六

金大鏞 浙江吏員任青縣主簿居官清慎賴室人

紡織以供食後卒於官

靜海縣

金

張 甫 賜姓完顏氏興定四年封高陽公以雄鄭

等州靜海等縣隸焉元光二年甫復河間府捷報

達上卜以道途梗塞報者艱虞命厚賞之以功進

金紫光祿大夫

明

學

獻

以下知縣

按靜海縣志稱獻祀名宦祠而本傳並無事實可攷姑存其名竊附善善欲長之義

尙朴 永樂十三年任荆建奉新驛

劉照 四川平利人舉人成化十九年任政尙愷
悌事務詳明抑權貴禳蝗蝻重修學廟廣積糧儲
有去思碑

郭天錫 山東福山人嘉靖三年任剛直敏達吏長
民懷

吳應陽 福建甌寧人舉人萬 三十二年任案無
畱牘政有權衡清淨不擾明察難欺

王良相 濟陽人舉人天啟三年任才猷明敏勤勸

天津府志

卷之二十 名宦

五

課而士類興文禁簽派而窮黎樂業案無畱牘獄
無冤民累陞大理寺評事

崔衍 山東膠州人永樂元年任在縣荆建儒學
監司廉其能遷河間府知府荆修府治府學幹濟
有方政績著聞

劉弁 宣德九年任重修縣治片言折獄一介不
取案無畱牘至今稱之

武雷 山東館陶人正德十六年任服強暴恤良
善而清慎尤其所長

戴大槐 福建莆田人舉人靜海令萬 二十九年

任祀名宦

董養聰 山東濟陽人拔貢萬 四十年任修堤捍

水晝夜躬督以勞瘵殞於任民咸痛焉有去思碑

胡啟睿 江南海州人拔貢立社課士剔弊釐奸舊

有通馬私派銀兩申請革之士民咸感

商賓 河南洛陽人文行俱優陞吏科給事中下以

教諭

隨正脉 山東高唐州人德性溫良學問宏博捐俸

濟貧勤課諸士

樊効才 順天文安人拔貢萬 問任改修文廟訓

天津府志

卷之二十 名宦

三

諸生肄業至今科甲不絕士子尸祀之

滄州

漢

龔遂 字少卿南平人宣帝時渤海饑盜賊起二

千石不能制上命遂時遂年七十餘形貌短小召

見問何以息盜遂對民困饑寒而吏不知恤致使

赤子盜弄陛下兵於潢池唯緩之然後可治願承

相御史無拘臣以文法得一切便宜從事許之乘

傳至境悉罷捕盜吏諸持鉏鉤田器者吏毋得問

持兵者乃為盜盜聞遂令即時棄弓弩而持鉏鉤

民有帶持刀劍者使賣劍買牛賣刀買犢曰何爲
帶牛佩犢春夏督耕秋冬課斂勞徠循行境內悉
平民皆富實

後魏

元拔干 魏遼西公意烈之子太宗踐祚除渤海太
守吏人樂之

崔 休 字惠盛清河人魏世宗時爲渤海太守下
車先戮豪猾數人姦盜屏息清身率下部內安之
時大儒張吾貴名盛山東弟子恒千餘人所在多
不見容休招延禮接儒者稱之

天津府志

卷之二十 名宦

三

裴彥先 聞喜人叔業從子也少有志尚封雍邱子
位渤海相子約字元儉性頗剛鯁襲爵冀州大丞
賊起勅爲別將行渤海郡事城陷見害

宋季預 孝明帝時位渤海太守子遊道弱剋隨父
在郡父亡吏人贈遺一無所受

庾 道 潁川人歷覽史傳善草隸書輕財重義爲
饒安令廉明幹濟編氓頌之

北齊

土士良 字君明代人少修謹不妄交游事繼母梁
氏以孝聞及卒居喪毀瘠文宣自臨視之疾愈痊

滄州刺史

鄭述祖 字恭文 開封人 義之元孫 少聰敏 好文有風 儉以丞相右長史行瀛滄二州事 所在皆有惠政

高 敞 字子深 神武第五子也 武定六年出爲滄州刺史 爲政嚴 察部內肅然 守令參佐下及胥吏行游往來皆自齎糧食 纖芥知人間事 有主簿張達嘗詣州夜投人舍 食雞羹 澈對衆曰 食雞羹何不還價值 達伏罪 合境號爲神明 又有一人從幽州來 驢馱鹿脯 至滄州界 脚痛行遲 偶會一人爲

天津府志

卷之二十 名宦

三

伴遂盜驢及脯 去明旦告州 澈乃令左右及府僚吏分市鹿脯 不限其價 其主見脯 識之 推獲盜者 轉都督定州刺史

隋

竇 宗 陵川人 文帝時舉賢能 遷南樂 令有異政 陞滄州刺史 因與竇建德兵相持甚久 自度力不敵 遂奔磁州 蒼蒐山 建德兵至 圍之 不解 宗望闕再拜而逝 磁人廟祀之

唐

薛大鼎 字重臣 蒲州汾陰人 河間王孝恭討輔公

祐以大鼎爲饒州道軍師引兵渡彭蠡湖以功遷
滄州刺史無棣渠久淤塞大鼎浚治屬之海商賈
流行里民歌曰新溝得通舟楫利屬達滄海魚鹽
至昔日徒行今騁駟美哉薛公德滂被又疏長蘆
衡漳二水泄淤潦水不爲害是時鄭德本在瀛州
敦頤爲冀州皆有治名河北稱鎬脚刺史永徽中

李乾祐 長安人滄州刺史強幹有聲

斐 觀 開元十三年帝自擇刺史時觀以左衛將
軍爲滄州刺史與景先等凡十一人治行詔宰相

未津府志

卷之二十

名宦

三

諸王御史以上祖道洛濱盛具奏太常樂帛舫水
嬉命高力士賜詩帝親書且給筆紙令自賦資絹
三千遣之

姜師度 滄州景城郡刺史東南二十里有渠注毛
氏河東南七十里有渠注漳河並引浮承皆師度
開

田正 字安道父廷玠尚儒學不樂軍旅與承嗣
本爲從昆弟爲平舒丞遷樂壽清池東城河間四
縣令以治稱遷滄州刺史李寶臣朱滔與承嗣不
協合兵圍滄州廷玠固守連年食雖盡無叛者朝

廷嘉其節徙相州 正幼通兵法善於騎射承嗣
愛之以爲必興吾宗名之曰興王承宗叛詔 正
以全師壓境破其衆南宮承宗大懼歸窮於 正
正表諸朝遂獻德棣二州以謝納二子爲質
殷 侑 陳州人寶 元年爲滄州行軍司馬遂拜
義昌軍節度使於時夷荒之餘骸骨蔽野侑單身
之官安足麤淡與下共勞苦以仁惠爲治歲終流
戶襁屬而還

宋

喬惟岳 字伯周陳州南頓人周顯德初登第宋開
天津府志

卷之二十

名宦

二十六

寶中右拾遺劉稹薦其才歷知懷州滄州會考課
京朝官召還兼左諭德轉太常少卿

薛居正 字子平開封人周顯德六年使滄州定民
租未幾以材幹聞於朝擢刑部侍郎

葛懷敏 霸之子以廕授西頭供奉官累官知隰鄭
保三州太平興國五年徙知滄州進涇原路兼招
討經畧安撫慶 二年元昊寇鎮戎軍墮敗遂與
諸將皆遇害奏至帝嗟悼久之贈鎮戎軍節度使
兼太尉諡忠隱

李昭遘 宗諤從子也以廕爲將佐主簿幼時楊億

嘗過其家出拜億命爲賦旣成億曰桂林之下無雜木非虛言也累官擢天章閣待制知滄州用諫官吳及言復改知陝州

安守忠 字信臣并州晉陽人周平盧軍節度審琦之子也端拱中知滄州改瀛州兼高陽關駐泊部署遷瀛州防禦使淳化二年徙知雄州五年復知滄州至道初移雄州三年復知滄州所至吏民不忍其去

李斌 青州人淳化中領洛州團練使勤於政理人服其清後徙滄州吏民不忍其去鄰境亦以狀

天津府志

卷之二十 名宦

五

聞詔書褒美

張美 自定州節度移鎮滄州持身廉謹以政蹟聞在滄十年世謂之滄州張氏

陳興 澶州人事太宗皇帝補龍駕直都虞侯真宗時知滄州徙鎮定軍部置與曹瑋掩擊藩寇斬獲甚衆詔嘉獎之官至神龍四廂都指揮使

慕容德豐 字日新幼聰悟延釗愛之嘗曰興吾門者必此子補山東道衙門指揮使累功爲四方館使徙知慶州咸平四年改滄州踰年進知貝瀛二

州

高 賦 字正臣中山人以父任爲右班殿直復舉進士改奉禮部郎又加龍圖閣知滄州前知滄州程昉欲於境內開西流河繞州而北注三塘治賦曰滄州近歲加隄防猶懼奔濫矧妄有開鑿乎昉執不從功竟無成

張 綸 天禧中發運副使居二歲增米八十萬疏五渠開長蘆西河以避風濤後擢天章閣待制

曾 鞏 字子固汝州襄陵人嘉祐二年登進士第歷知齊襄洪福三亳滄州所至務去民疾苦入爲中書舍人文章與歐陽修齊名世稱南豐先生

天津府志

卷之二十 名宦

三

張 問 襄陽人舉進士初判大名遷江淮轉運使所部地震河決欲民築堤問言勞民非便神宗從之遷知滄州獨不附新法處已廉潔官至給事中唐 恪 錢塘人知滄州河決城下恪乘城救理城得全請罷保馬法及復請縣租未報悉便宜罷行之民大悅

孟 元 字善長洺州人累官爲高陽關路兵馬鈐轄尋遷權知滄州民鬻鹽爲生歲荒鹽多不售民無以自給元度軍食有餘悉用易鹽繇是民不轉徙累遷高陽關馬步軍總管五遷爲馬軍都虞候

何 灌 字仲諒祥符人武選登第爲河東從事徽宗時累遷西上閣門使威州刺史知滄州以治城障功轉引進使宣和初又加龍神衛都指揮使夔離不取景州圍薊州童貫北征委灌以兵事卽復景城釋薊州圍召還管幹局軍司陪遼使射玉津園一發破的再發則否客曰太尉不能邪曰非也以禮讓客耳整之復中觀者頌嘆帝親賜酒勞之遷步軍都虞侯

金

訛里也 滄州同知海陵曰前日令內任官六品以

天津府志

卷之二十 名宦

三

上外任官五品以上並舉所知未聞有舉之者豈無其才邪抑知而不舉邪魏子平曰請令常舉之官每任須舉一人滄州同知訛里也等五人在舉

中

明

武 英 順天舉人成化間知滄州不事煩苛興利除害葺城池摧強暴秩滿滄民赴闕保畱加四品

服色仍領州事 以下知州

馬 魁 山東禹城人 治十七年任興學校屏浮

屠重節義修城池深得民心以母老去百姓遮道

泣留

張奇 河南光州舉人正德年知滄州盜賊縱橫以修繕城池為急務暇則操練兵馬未幾劉六等四面攻圍奇竭力保守賊宵遁百姓得安加四品官仍管州事

王堯封 金壇人進士萬 二十七年任雄才大節屢躋屢壯由部郎外補南昌刺史量移守滄下車鎮定訛言請粟賑給修學校繕祠壇均富憐貧鋤強濟弱作興士類後為忌者所中左遷兗州別駕

王三錫 翼城人舉人萬 三十四年任稟姿儉素

天津府志

卷之二十 名宦

三

雅意慈祥嚴秤兌平市肆利無不興害無不剪爪期未及陞慶陽府同知士民叩闕泣留卒不能挽

國朝

申偉抱 遼陽人貢士順治七年知滄州清理逃亡減除荒地民困以甦陞泉州知州

南皮縣

後晉

劉杏 為臨津令治化翔洽通邑愛慕秩滿當遷去縣民三百餘赴闕借寇詔許之

金

皮肅 明昌四年爲南皮令練才潔守四境著聞
十月壬子詔察舉廉吏尙書省奏稱提刑司所察
十人以肅爲第一

元

愨 辛 涿州人至大三年爲南皮達魯花赤明達
時務釐弊恤民興學造士

王君美 懷來人至元五年爲南皮尹拯溺除厄澤
畱永世

馬克昭 至正中爲南皮尹立濬川碑以除水患德
澤常存

天津府志

卷之二十 名宦

三

明

張 迪 永樂二年知縣事招撫流移修整廟學士
民德之

張 麟 宣德元年知南皮才猷敏練視邑如家修
公廨建城隍廟歷有功績

陳 毅 東莞人舉人宣德八年知縣事清正慈明
興學均賦衆愛戴之

于 珏 字文瑞嘉興人進士成化中知縣事履謙
持厚百廢具興調吳橋縣終慶遠知府

鄧 翰 字希召內江人進士 治十五年任慈惠

公明吏畏民懷及調滑縣百姓攀留百餘里祀名宦祠

李珙 字敬之濟源舉人正德六年任才幹精明操持嚴毅事關民社以身任之時畿內流寇勢張近城悉陷邑圍三日珙悉力捍禦已而射中渠魁遂遁去父老云正德中人思亂賊所至皆有內應故攻無不破珙洞燭其奸預拘無籍輩假他事以收禁之無復爲之地者城賴以全祀名宦

朱方 永康人進士嘉靖元年知縣事慈祥豈弟雅重文學士民咸愛慕焉累官布政使泊頭畱詩

天津府志

卷之二十 名宦

三

曰百餘日子南皮治何事一麾淮右行絲值亂餘纔得緒桃方種就未看成分符入手憐驅迫垂白盈途愧送迎無計相畱強相與泊頭一見會頻仍黃持衡 字小素番禺舉人嘉靖二十五年任平易不苛事治政舉

李筵 號西埜湯陰舉人嘉靖三十二年任剛明有爲清操無染擢戶部主事終知府重過百姓相送有詩曰當年撫字愧無成今日重來父老迎風物不殊憐舊景桑田那忍問新耕春波渺渺停征棹堤柳依依繫別情喜有河陽賢令主肯教渤海

擅前聲

馮 輗 號南津武進舉人嘉靖四十一年任疆項
不阿軫恤獨切事關利害每身任之後以昭雪益
冤忤上官意竟掛彈章去之日百姓號涕攀卧軹
不得發

龐 沱 字潤齋臨漳舉人萬 二年知縣事遇事
敢爲風裁懋著雅負知人鑒後進多所識拔陞大
名通判著詩集行世咏暮春詩曰三月正當三十
日古人惟解惜花枝不如放取殘春去便是南薰
阜物時

天津府志

卷之二十 名宦

三

王允中 號愛溪祥符舉人萬 八年任才本諳練
佐以精明爲一時循良之冠邑最苦田賦不均乃
嚴核旨免加倍寄莊均徭頓減當丈地時委任老
成者尺較寸度毫無隱漏勒石記焉目睹荒蕪捐
俸買犢散給下戶田盡墾而牛更有生息真父母
斯民者遷部郎終叅政

劉廷臣 號梅谷瓊山舉人萬 十九年任平易近
民無競於物乃厄於水共惜之建祠祀焉

李正華 號文沙上高舉人萬 二十二年任忠信
明而出之以豈弟有古循吏風甫下車卽燭猾胥

奸竈嚴譴示警衆咋舌不敢犯邑苦丁差煩重編
審時創爲九則通融之法使豪右不得影射而小
民賴以蘇息鄰封聞之願借爲式連值歲饑捐俸
賑濟存活甚衆喜造士督課無間寒暑城衙廟祠
悉再造而鼎新之會遷別駕士民詣闕保畱准加
本府銜視事任九載如一日百廢俱興祀名宦
左之禎 號署樓萊陽貢士萬 三十五年知縣事
兩遇河決跋涉疏瀹饑溺不啻由已省刑薄罰雅
意文教陞徽州知府

魏良佐 號育明江陵舉人萬 四十四年任廉潔

天津府志

卷之二十 名宦

三

沉靜政自已出渾厚中不乏精明不阿上官意初
若不愜者及廉知其介狀反重之喜談菀課士吟
嘯揮灑墨妙一時蓋理學宗工非特才吏也仕終

僉憲

佟卜年 號觀瀾遼陽進士萬 四十四年任值蝗
旱後饑民嗷嗷乃建粥場十餘所躬詣驗散老幼
均沾朝夕奔馳不殫勞瘁知府柯景曰公可謂貌
瘦民肥矣恒加意民瘼清鹽課省冗費境內賴以
充裕調河間後遭誣陷百姓聞之莫不流涕祀名

宦

王所須 號幹字淄川舉人崇禎元年知縣事起家
勤儉治邑亦然明察綜核無微不至而折節禮士
撫恤貧民尤切切焉時徵調百端頃刻立辦應急
需而弗擾闔邑安堵調交河終祀名宦

藍再茂 號青初卽墨貢士崇禎三年知縣事案牘
委積剖決如流其禁越訴練鄉勇修舉廢墜爲地
方利益甚多以投効去士民建去思祠仍祀名宦
簡仁瑞 字季麟榮縣舉人崇禎七年任饒縣濟才
其繕城障治火器允足禦侮陞西安同知終知府
祀名宦

天津府志

卷之二十 名宦

三

陳虞裔 耀州舉人崇禎十一年知縣事忠實慈愛
甫任三月遇變死難 以上知縣

滕善國 昌樂人崇禎九年任南皮訓導忠義自矢
闔門全節

國朝

白龍昇 滿洲人順治三年任賦性剛毅言動率真
初任卽自言不愛錢不徇情面後果然遇大兵衆
皆畏懼乃挺身自理費省而且得歡心獄訟立爲
剖決鞭朴不施威德所及境內安堵催租無暴吏
而輸納爭先當園佔時多方護救心力俱竭至今

咸頌仁明陞太守終憲副

以下知縣

何中舉 字文遠遼陽貢士順治七年知縣事值大

盜就撫而餘黨未靖人多疑畏屢任後集鄉勇置

馬匹器械操練精銳獲不悛者立加重刑遂帖然

邑固僻境明季漸為孔道輪挽不息民累特甚因

詳請革除之刑省政平畿內稱循良無出其右大

計卓異

賜冠服陞磁州知州晉江寧知府

馬士瓊 號書湖西充人家本世胄年十四領鄉薦

慈愛精明稱循吏云

天津府志

卷之二十 名宦

三

鹽山縣

漢

陸康 字季寧吳郡人舉茂才除高成令縣在邊

郵舊制令戶一人具弓弩以備不虞長吏新到輒

發民修城郭康至皆罷遣百姓大悅以恩信為治

盜賊止息

唐

穆寧 河內人元宗時以明經調鹽山縣尉安祿

山反寧募兵捍賊邑賴以全

宋

李參 字清臣鄆州人以廕知鹽山縣歲饑諭富
室出粟平其直民不能糴者給之所活數萬人
靳宗說 爲提舉監滄州鹽山縣務有繫囚坐殺人
法當死宗說疑之會犯者言其母九十病且甚願
得一別而死宗說惻然釋囚縛令人與俱至家旣
而更獲所殺人者

元

王欽禮 字子敬幼穎悟甫就學精敏過人及冠倣
儻剛果勇於爲善遊京師詹事院辟爲典設署書
史轉雄州吏目州當南北衝要號爲繁劇卒以才

天津府志

卷之二十 名宦

三五

識明敏服其同列調南皮尉盜間入境設法掩捕
曾未半載盡獲之無遺類人稱其神獄訟淹久者
亦來求決則以理開諭號爲平允遷鹽山尹頻海
鹽筴事重邏者旁午而私鹽盜販出沒其間宛朋
黠胥並緣爲奸利民甚厭苦之至是摘發奸欺防
禁周密遂一切掃除失刺與民雜處素強暴嘗自
焚其廬以誣居民亟正其罪老幼咸戴至正十年
宣授朝列大夫保定路總管

宋 訥 滑縣人元季爲鹽山令值兵燹固爲城守

民恃以無恐洪武初授國子助教累陞祭酒祀名

宦

明

吳文靖 真定人鹽山知縣洪武九年任移建縣治

創修文廟撫字有方以丁艱去民深思之

以下知縣

王 憲 江西人進士洪武中任鹽山令居官勤敏

奏准鹽山慶雲煎鹽地方不堪屯田祀名宦

張 瑄 江西人進士以監察御史左遷邑令恪於

奉公不開私蹊祀名宦

林惟盛 江西新建縣人舉人景泰七年任鹽山蒞

官仁明鼎新學宮陞太僕寺祀名宦

天津府志

卷之二十 名宦

三

時尙儒 山東臨清州人舉人嘉靖五年任蒞政精

敏有廉節增修社學崇尙文教邑舊無志尙儒創

修

岳孝先 壽張縣人舉人嘉靖十六年任清廉方正

優禮文學威制豪強有古循良風

李 萼 臨漳縣人舉人隆慶三年任明敏精勤百

廢具舉續修邑志徵校加詳陞兵馬司

劉子誠 陝西宜州縣人歲貢萬 四十年任秉性

端方應事如流修葺學宮挑渠導水陞橫州知州

祀名宦

郝鳳 山西蒲州人舉人正統年任鹽山訓導博

學強記動由矩度申明學規勸課惟勤一時人文

丕變陞南陽府教授以下教諭

李有嘉 福建莆田縣人舉人 治年任鹽山教諭

訓課生徒雖伏臘未嘗撤講一時多所成就改遷

江西鉛山縣教諭

虞綸 洪洞縣人舉人 治十六年任鹽山教諭

學優行潔足為坊表雖處奇窮宴如也生徒應致

束修峻却時服其廉祀名宦

薛廷熙 福建福清縣人舉人隆慶二年任鹽山教

天津府志

卷之二十 名宦

二十七

諭遂於經術公勤嚴正啟迪士類不辭寒暑陞

州府推官

耿失名

山東霑化縣人歲貢崇禎間任鹽山教諭

已卯兵變闔家殉難

國朝

錢騰居 字大可太倉州舉人順治元年知鹽山縣

廉靜不苟弭盜有方政最陞工部主事祀名宦

董良性 遼東人慶雲訓導順治三年署縣事親督

矢石勦除土寇有全城之功闔邑立碑記之

慶雲縣

明

楊思義 有惠政及民更建縣治重立廟學

張彪 磁州人成化二年任寬猛相濟大得民心奉例修城綜理有法不致苦民居官清慎任滿以老乞休貧不能歸遂占籍興濟家焉

宋漢 字天章膠州人成化年間知慶雲縣首新學廟朔望詣明倫堂爲諸生講析經義按丁定役貧富乃均辛丑饑勅遣賑貸漢分爲三等計口給放夏不雨奏免夏稅秋傷稼奏免秋糧寇警上官檄諸邑發民兵會操漢言邑當衝要賊所出沒宜

天津府志

卷之二十

名宦

三

存本境操肄以繫人心上官嘉之崔苻亦遂屏息

文森 字宗嚴常州府人 治四年任下車問民

疾苦遂緩徵出繫獄八十餘人歲旱不登再疏乞免田租畜馬不均上疏陳狀乃從其請著以爲令邑俗遇旱惡少羣聚斲棺發屍名打旱魃森嚴禁之祈雨禱烈日中應時而降邑蝗督民捕之瘞之於地民罔測檢災者至乃出蝗以示獨得免租毀泮祠興社學作士類旌節義一時民士翕然改觀徵授監察御史

李宋 字承殷陳畱人嘉靖二十八年任遇事簡

明禁治里胥修城造學均役愛民有惠政清譽
林之盛 錢塘人萬 二十八年任學優才富剖決
如流體恤民隱作養士類立社學按日爲諸生剖
晰經義督課之

葉時敦 聞喜人萬 三十年任潔已愛民恩威並
著人稱爲葉青天遇檢災見百姓貧苦流涕曰田
禾雖間有可望纔十之一二耳若作半熟何以辦
秋徵竟以荒白得蠲民賴以活

王之采 字心一朝邑人萬 三十九年任教士如
嚴師愛民如慈母邑爲九河下流水患積歲采令

天津府志

卷之二十 名宦

三

民挑濬疏導入河始不爲霖雨所苦田地荒蕪民
不能耕捐資買牛分給無力之家遂各安生業肅
清衙蠹剔釐宿弊寓撫字於催科吏畏民懷邑人
立祠祀之

李 扶 蘄州人崇禎七年任勵精勤政威德並行
跋履川原修建橋梁民不病涉陞淮安府同知

知縣

齊秉鈞 慶雲縣丞至正末任同縣尹場思義率衆
附明建城修學宣力居多

商 政 慶雲典史正德六年流賊攻城攻率衆拒

之力戰而死妻子皆及於難邑人比之卞壺至今
義之

國朝

張必科 蓋州人恩貢順治四年任下車兩閱月宿
弊盡革民荷更生 國初鄰邑寇盜無日無之必
科每遇寇至卽鼓聚步騎親出逐之簡鄉勇嚴保
甲城壞者補之壕淤者濬之規畫未就巨寇猝集
乃率衆登埤以忠義鼓勵人皆願爲盡死惟城修
未完難於固立遂更勵衆據守箭無虛發苦乏外
援忽弦斷手傷擲其弓曰命矣當尋一死所也挺

天津府志

卷之二十 名宦

罕

戈下城賊環圍之亦不敢逼舉火自焚直指上其
事於

朝贈爲僉事邑人爲立碑記祀名宦

以下
知縣

李芳春 蓋州人順治五年任邑當殘破之餘以弱
寇蒞任身若不勝衣語若不出口賊甚易之乃陰
與訓導董良性鎮防郭天培潛謀密策談笑以除
腹心之寇勦捕餘黨二千餘人訓練鄉民盜賊不
敢入境民感再造之功

張碩抱 項城人拔貢順治十一年任丰裁英毅幹
理周詳爽豁明斷案無畱牘修理學宮築濬城池

補葺廟宇興廢舉墜若恐弗及嚴查保甲簡練行伍文事武備燦然有條奸人匿名羅織紳衿耆老保留者數百人竟不能得去之日老稚遮道送之行李蕭然清操不愧古人

任鼎 山陰人任慶雲縣典史順治十二年馬寇逼城鼎率衆禦之奮勇擊殺以衆寡不敵力竭遇害民痛悼之

盧元培 字鵬颺仁和人進士康熙三年知慶雲縣事德性寬裕政治和平蝗災申請得准民賴存活催徵有法敲扑不施亦無逋賦爲治務得大體不

天津府志

卷之二十 名宦

望

獵近名不責小過邑當紛糾之際人情不一獨能不偏不倚治之綽然丁憂去任民士懷思服闋補戶部主事陞山西學道